

Gunv goux cingv zoux gong ze'weic gorn zangc nyei dangh baav jiepv zeih doh leiz nzie wieh tengx beu weih zorc puix horpc ndortv gong mienh nyaanh

Yiem naaiv faah hlaax saengh 8, 2020 wuov, naaiv dauh saengv zangc jien-ziouv mbuoz heuc Brown duqv cuotv naaiv zeiv haapc maax sou-daan mengh hoc 20-03 zunh mbuox heuc saengv zangc zuangx mienh heuc mbungh ngaevq longx naaiv baan jiepv sih nyiez doic baengc zingh novel coronavirus huiang haic. Yiem naaic jhex gorn daaih, naaiv diuc jhex doic siangh baengc haih hoic taux zuangx mienh aengx caux zoux ziex diuc gong-bou jau-louc duqv tengx donv goux naaiv baan nyiez doic wuon-baengc suonc njiec liuz maiv ging-dongx jaa hoic taux mbuo Oregon saengv zangc zoux gong mienh aengx caux saeng-eiz jau-louc. Naaiv zeiv beu weih mbungh bun ndortv gong sou-gorn se liepc hnyouv funx tengx zoux gong mienh aengx caux saeng-eiz gorn ziouv aengx caux domh zuangx mienh dongh duqv bieqc caux, dugh maaih sic dauh yiem njiec cingv gong nyei ziangh hoc. Naaiv diuc doh leiz se paaiv cuotv liouh kungx tengx mbungh ndortv gong beu weih sou-gorn yiem naaiv baan sic dauh dugh faanv COVID-19 baengc zingh hoic aengx caux tengx gunv goux longx maiv bun baengc nzaanz jangv mingh nyiez doic camv go faaux. Mv zei nor zuov taux ganh zeiv sou cuotv, naaiv diuc doh leiz se bun longx nzuonx nqaang yiem naaiv faah hlaax saengh 8, 2020 daaih, dugh ninh mbuo saengv zangc duqv zunh box mbuox heuc zuangx baeqc fingz yiem saengv zangc zuqc domh nzoih mbungh goux jiepv sih huiang nyei baengc faanv hoic wuov.

(1) Yiem gu'ndiev deix sic dauh se wueix laaix butv "COVID-19 baengc zingh jau-louc hoic daaih":

- (a) Naaiv dauh mienh butv novel coronavirus baengc hoic liuz mingh zoux gong maiv duqv;
- (b) Naaiv dauh mienh mingh zoux mv duqv gong wueic laaix buatc gorngv daax haih benx novel coronavirus saing-baengc aengx caux heuc ninh zuqc funx ziangh hoc bun yiem ding-torqv dorngx samx mangc ndaangc;
- (c) Naaiv dauh mienh mingh zoux mv duqv gong wueic laaix ninh mbuo ndie-sai a'fai gunv goux domh zuangx heng-wangc ze'weic gong-mienh njiaaux heuc ga'ganh zuqc yiem ding-torqv dorngx wueic benx zuqc haih nyiez baengc nyei jau-louc a'fai haih dorh novel coronavirus siang-baengx nyiez doic jangv mingh go;
- (d) Naaiv dauh mienh mingh zoux mv duqv gong wueic laaix ninh nyei cingv gong ziouv dingh gong a'fai zanv longx njiec wueix naaiv diuc novel coronavirus baengc, lemh jienv guon gong-gorn a'fai mbenc ding-torqv gong-gorn ei gan paaiv njiec haapc maax waac a'fai saengv zangc jien-fouv paaiv zunh waac-fienx sou a'fai gunv goux zuangx mienh heng-wangc jien nyei waac;
- (e) Naaiv dauh mienh mingh zoux mv duqv gong wueic laaix ninh oix zuqc yiem biau v goux mangc huov jaa hmuang-doic, a'fai maaih da'nyei-dauh mienh caux meih yiem a'fai zuqc tengx goux mangc haaix dauh mienh, dugh butv naaiv novel coronavirus siang-baengc a'fai ninh mbuo heuc zuqc yiem njiec ding-torqv dorngx samx mangc ndaangc nyei waac dauh;
- (f) Naaiv dauh mienh mingh zoux mv duqv gong wueic laaix ninh oix zuqc yiem biau v goux mangc fu'jueiv benx zuqc ninh mbuo guon horqc dorngx, benx wuix goux gu'nguaaz mienh a'fai wueic benx novel coronavirus siang-baengc liuz ninh mbuo guon dorngx; aengx caux
- (g) Tov heuc naaiv dauh mienh daaih zoux gong dugh haaix zanc dorngc taux heuc ninh oix zuqc yiem njiec ding-torqv dorngx goux samx mangc baengc zingh a'fai saengv zangc dengv gong jien-fouv haapc maax sou-daan heuc zanv gong zoqc njiec liouh goux maiv bun naaiv novel coronavirus baengc nyiez doic jangv mingh go.

(2) Tiu cuotv mbuoz maiv bun maaih ze'buonc pui-zipv gauz longc beu weih sou-gorn mbungh ndortv gong nyaanh. Haaix deix mienh dugh tiu cuotv mbuoz maiv maaih ze'buonc pui-zipv gauz duqv longc naaiv deix beu

weih sou-gorn mbungh ndortv gong nyaanh se gan nqa'ndiev deix jau-louc (ninh mbuo corc oix zuqc puix horpc nzoih liouh zipv longc tengx yiem liv baaiz nyei buonc nyaanh yaac baac):

- (a) Tiuv heuc naaiv dauh mienh dingh cuotv gong wueic laaix naaiv baan COVID-19 baengc zingh hoic (ORS 657.176(2)(b));
- (b) Naaiv dauh mienh laengz cuotv gong wueic laanx naaiv baan COVID-19 baengc zingh hoic (ORS 657.176(2)(c));
- (c) Naaiv dauh mienh mv mingh lorx gong zoux dungh ninh mbuo cingv gong ze'weic gorn a'fai dengv gong ziouv fungx mingh wueic benx naaiv baan COVID-19 baengc zingh hoicc (ORS 657.176(2)(d)); a'fai
- (d) Ninh mbuo ngaengc waac mingh zoux gong wueic laaix naaiv baan COVID-19 baengc zingh hoic (ORS 657.176(2)(f)).

(3) Haih mingh zoux gong duqv – ORS 657.155(1)(c) aengx caux guoqv zangc doh leiz paaiv heuc naaiv deix mienh mingh zoux gong duqv liouh zipv longc naaiv deix beu weih sou-gorn mbungh ndortv gong nyaanh.

- (a) Buatc naaiv dauh mienh daax mv zeix gorngv zoux mv duqv gong wueic benx zuqc gorngv:
 - (A) Ninh mbuo oix zuqc gunv goux samx mangc baengc zingh yiem caux ndie-sai, a'fai wueic zuqc zoux ei gan ninh mbuo gunv goux heng-wangc njiaaux heuc ga'ganx zuqc yiem njiec ding-torqv dorngx goux samx mangc baengc wueic zauh hex haih nyiez zuqc baengc a'fai dorh novel coronavirus baengc nyiez zuqc doic jangv go, mv baac ninh mbuo mv butv baengc;
 - (B) Ninh mbuo butv novel coronavirus baengc bueiz yiem biauv a'fai hnavv butv haa-juangv baengc aengx caux ninh mbuo yaac maiv gaengh waac zoux gong yiem butv baengc jiex gorn yiem biauv wuov; a'fai
 - (C) Ninh mbuo zuqc bueiz yiem zorc baengc ndie-dorngv a'fai da'nyeic diuc zorc baengc gorn zangc dungh benx naaiv diuc novel coronavirus baengc, zuqc bueiz zorc baengc benx ndaam-buonc liv baaiz hnoi-nyieqc aengx caux maiv duqv zorqv gong cuotv yiem naaic norm liv baaiz.
- (b) Naaiv dauh mienh mingh zoux gong maiv duqv lauh taux yietc norm liv baaiz aqv, beiv taux gorngv ninh mbuo paaiv duqv horpc bun zoux aengx caux ninh yaac mv laengz zoux wueic laaix ninh butv novel coronavirus baengc a'fai butv haa-juangv baengc kouv.

(4) Jien sin lorx gong zoux – ORS 657.155(1)(c) aengx caux deic bung guoqv zangc doh leiz paaiv njiec heuc zuangx mienh oix zuqc jien sin lorx gong zoux liouh zipv longc tengx beu weih sou-gorn mbungh ndortv gong myei ziangh hoc. **Deic bungh hung jaa domh doh leiz paaiv njiec bun goux huov jaa ndaangc paaiv bun saengv zangc zorc doh leiz puix horpc zoux beu weih sou-gorn mbungh bun ndortv gong mienh nyei yietc nyeic jau-louc bun mienh lorx gong zoux dungh yiem naaiv baan Coronavirus baengc yiem naaiv norm jiepv sih ziangh hoc gunv goux COVID-19 hiuang baengc zingh faanv nzaanz hoic (Paaiv njiec yiem 4102(b)).** Wueic zuqc naaiv baan baengc zingh se hiuang haic haih hoic taux yietc zungv domh zuangx mienh heng-wangc buon-sin maengc aengx caux tengx goux longx zuangx mienh duqv yiem baeng-orn maiv bun COVID-19 baengc zingh faanv nzaanz mingh jangv go, heuc zuangx mienh yiem leih doic go mv dongx nitv fatv. Zoux ei naaiv deix jau-louc nor, yiem naaiv norm liv baaiz jomc yiem faah hlaax 28, 2020 jiex gorn, maaih naaiv diuc OAR 471-030-0036, aengx caux zuov taux ninh mbuo gunv goux cingv gong ze'weic gorn zangc zunh fieng daaih mbuox siang gorngv, buatc naaiv dauh mienh gengh jien sin liepc hnyouv tiux lorx gong zoux ei naaiv ORS 657.155 se gorngv buatc ninh mbuo zien liepc hnyouv lorx gong zoux dungh haaix zanc ninh mbuo saengv zangc aengx caux buon-deic gorn dungh goux taux hiuang nyei jiepv sih baengc bungz waac cuotv gorngv coronavirus baengc dorng mi'aqc a'fai mv zuqc heuc zoux ei mingh aqv.

(5) Mbenc nzoih zoux gong – ORS 657.155(1)(c) aengx caux deic bung guoqv zangc doh leiz paaiv njiec heuc da'dauh mienh mbenc nzoih zoux gong liouh zipv longc tengx beu weih sou-gorn mbungh ndortv gong nyei ziangh hoc. Haaix dauh mienh daax maiv haih mbenc nzoih mingh zoux gong wueic laaix benx zuqc gorngv:

- (a) Ninh mbuo oix zuqc yiem biau a'fai yiem njiec samx mangc baengc nyei ziangh hoc dugh nzauh hex haih mingh nyiez zuqc baengc a'fai dorh novel coronavirus baengc mingh nyiez doic camv faaux ei gan ninh mbuo goux heng-wangc ndie-sai njiaaux nyei waac a'fai ninh mbuo goux domh zuangx heng-wangc ze'weic gorn zunh cuotv njiaaux waac sou-gorn a'fai saengv zangc dengv sic jien-fouv njiaaux nyei sic dauh jau-louc, mv gunv jiex beiv taux ninh mbuo nyei cingv gong ziov paaiv maaih gong heuc zoux dugh ninh mbuo zoux maiv duqv;
- (b) Ninh mbuo yiem biau wueic laaix maiv maaih haaix dauh tengx goux mangc fu'jueiv a'fai horqc dorng a'fai goux mangc fu'jueiv dorngx guon mi'aqc a'fai dingh zoqc nzengc;
- (c) Ninh mbuo zuqc yiem biau goux mangc huov jaa hmuang-doic wueix laaix naiav deix novel coronavirus siang-baengc hoic; a'fai
- (d) **Ninh mbuo zoux gong mv buangv junh ziangh hoc aengx caux ninh kungx maaih ziangh hoc gauz zoux ndaam-buonc ziangh hoc gong hngv.**

(6) ORS 657.315(2) doh leiz paaiv heuc simv cuotv heuc siou dugh cuotv jiex guaan souz mouc nyaanh nzuonx beiv taux naaiv deix cuotv jiex ndaangc souz mouc nyei nyaanh mv zeix ninh tov longc nyei mienh zoux dorngc aengx caux naaiv deix siou nzuonx nyei nyaanh se funx benx wuov wueic zoux daaih maiv baengh fim aengx caux kuv jau-louc. Beiv taux maaih naaiv OAR 471030-0053 yaac longx, naaiv deix nyaanh cuotv bun yiem deix liv baaiz jomc yiem naaiv faah hlaax 28, 2020, ei gan zoux gong zornc nyaanh jau-louc yiem naaiv baan coronavirus baengc zingh faanv hoic aengx caux yietc zungv gong-bou tengx goux maiv bun baengc zingh nyiez doic jangv go nor, ninh corc haih zoux zuqc maiv tui-baengh aengx caux hnamv longx yuonh heuc siou nzuonx naaiv deix cuotv jiex guaan souz mouc nyaanh. Naaiv deix gong-bou oix mingh zorqv siou naaiv deix jiex guaan nyaanh nzuonx se zuov taux naaiv zeiv zunh sou-fienx mbuox gorngv taux coronavirus huiang baengc torngz nzaanz liuz a'fai torngz sou zunh mbuox gorngv mv zuqc mbungh aqv.